



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs LX. Deus repulisti nos, & destruxisti nos.

urn:nbn:de:hbz:466:1-44993

PSALMVS LX.

Deus repulisti nos, & destruxisti nos.

EX TENEBRIS LVX.

- 1 Ad præstantem super Susan Gheduth : Michtham
Davidis, ad docendum.
2 Cùm contenderet erga Aram Naharaim, & erga
Aram Szobah, & conuersus Ioab, percussit Edom
in valle Salis duodecim millia.

Carmen Dicolon Distrophon.

- 3 **D**ruptos DEVS abstuleras nos percitus ira,
Sed nobis te redde precamur.
4 Nutat terra tuo scissa ac tremefacta furore,
Rimas tu committe labantis.
5 Tu populo exhaurire tuo prædura dedisti &
Plena tremoris pocula nobis.
6 Signa tuis tollenda dabas cultoribus VSQVE
Propositi veri monumentum.
7 Det tua, vt euadant quos diligis ipse, salutem
Dextera, reque mihi facilem da.
8 Sancta loquês responsa dedit DEVS irrita nunquam,
Quæ gaudens ego certa tenebo.
Partiar ergo agros Sichimæ vallemque remensus,
Implent quam tentoria Suchoth.
9 Galgedium nemus & Manases mea iura subibunt,
Atque mei munimen Ephraim
10 Verticis : ac Iudas me decernente notabit.
Sunt & balnea nostra Moabus.
Perferet ipsa meam soleam calcantis Idumæ:
Tuque Palæsthine & mihi plaude.
11 Quis me in munitam victorem deferet urbem?
Ducet Idumæas & in oras?
12 Cùm Deus amotos tu nos eiecero, ac iam
Nostra DEVS non agmina ducas:
13 Auxilium arctatis nobis tu porrige : vanum est
Ex homine expectare salutem.
14 Nos ductore DEO turmas armabimus, ille
Calcando nostros teret hostes.